

Dienelkander



Nuusbrief van die Gereformeerde Kerk Potchefstroom-Oos

17 Junie 2018

OGGENDDIENS: Ds Piet

Tema: Wanneer jy moeg en moedeloos word, laat die Here jou op Hom fokus! Kyk wie Hy is en wat Hy doen en skep moed vir jou lewenstaak!

Elia was een van die Here se grootste profete in die Ou Testament. Die Here het ongelooflike dinge deur Hom gedoen - selfs 'n kind uit die dood opgewek! Hy kry die voorreg om saam met Moses in die Nuwe Testament aan Jesus te verskyn op die berg van verheerliking.

Maar Elia was gewikkeld in 'n ernstige geloofstryd. In sy tyd het die volk baie diep verval in die aanbidding van die afgod Baäl en Elia moes hulle telkens terugroep na die Here. Na sy roemryke Godgegewe oorwinning oor die Baälprofete op die berg Karmel het Elia gedink dat die volk sal bekeer en na sy stem sal luister.

Maar instede van gehoorsaamheid kry hy 'n doods dreigement! Moedeloos vlug hy die woestyn in. Hy is moeg en gee moed op "Nou is dit genoeg Here, neem my lewe"! Gelowiges kom soms by so 'n punt in jou lewe dat jy voel: ek kan nie meer nie! Kom ons hoor vanmore wat doen die Here dan met jou!

Lofsang met die oog op die erediens

Ps 118-2: 1, 2, 4 en Ps 97-2: 1, 3, 4

Ontmoetingsdiens

Intreelied Lied 169: 1, 2; Votum; Seën; Loflied Sb 2-2: 1, 2; Geloofs belydenis: 12 Artikels: almal bely hardop saam

Verootmoedigingsdiens

Wet: Fokus op eerste tafel: Lees Deut 5: 1 - 15; Sing Sb 9-1: 1, 2, 4; Gebed

Woorddiens

Skriflesing: 1 Konings 19

Teks: 1 Konings 19: 11 - 13 en 15 - 18
Sing Lied 163: 1; Woordverkondiging

Antwoorddiens

Gebed; Liefdegawes; Sing Lied 588: 1, 3;
Seën; Amenlied Sb 13- 2.

GROEPBEDINING

Ons Woordbediening vind vanaand in kleingroepe plaas. Daar kom ook 'n groep om 17:00 by die kerk bymekaar.

MEELEWING

- Oom Bert Floor (Groep 28 - 083 388 1250) sterk steeds aan in Multisorg Hospitaal. Dit gaan so bietjie beter met hom.
- Rita Schutte (Groep 27 - 082 654 2811)

se operasie kon steeds nie plaasvind nie vanweë probleme met die mediese fonds.

- Thomas van den Berg (Groep26 - 072 448 9932) was in Centurion in die hospitaal opgeneem vir behandeling wat hy gereeld moet ondergaan om sy liggaamskragte op te bou.
- Elmien Halgryn (Groep 38 - 083 566 7683) gaan Maandag vir 'n knieskryf herstelprosedure in 'n Johannesburgse hospitaal.

Ons bid dat die Here

beterskap/bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Grobbie Grobler, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Hendrik vd Walt (079 022 2526)

PROGRAM VAN DIE WEEK

Vandag

09:00 Gebedsgroep

09:30 Oggenddiens

Kleuterbediening

Geen Katkisasie

Tee en Koffie in die Skuur

Groepbediening

Dinsdag

Geen Manne-ondersteuningsgroep - reeds afgesluit

Woensdag

18:30 Gebed en Ondersteuning

18:30 Bybelstudie: Klipdrif

Vrydag

Skole sluit

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Teologiese studentekas.
- Gawes volgende Sondag vir die Diakonie.
- Vrywillige bydrae vir voertuigsekuriteit in die bussies by die deure.
- Diensbeurte: Groep 34 en 35.

GKSA SE GETUIENIS AAN DIE REGERING INSAKE GRONDONTEIENING SONDER VERGOEDING

Ons kerk het deur middel van ons "Deputate Getuienis teenoor die Owerheid" ook hierdie week 'n voorlegging aan die regering gemaak met betrekking tot hierdie sensitiewe saak. Dit is baie belangrik dat die kerke 'n Skrifgefundeerde beginselstandpunt aan die owerheid deurgee en so ook deelneem aan die debat. Lidmate wat die volle dokument wil ontvang kan dit per e-pos by Adele aanvra.

DS PIET LANGVERLOF REËLINGS

Ons gemeente het die goeie praktyk dat 'n predikant na 5 jaar dienstydperk 3 maande verlof moet neem. Ds Piet het reeds verlede jaar Junie gekwalificeer vir langverlof na 'n (tweede) vyf jaar dienstydperk. Hy beplan om die helfte van die langverlof saam met gewone verlof te kombineer om DV van 2 Julie tot 3 September 2018 met verlof te

wees.

As gemeente gun ons ds Piet die ruskans en weet ook dat hy die tyd sal gebruik om ook geestelik verryk terug te keer. Die volgende bedieningsreeëlings is deur die kerkraad vir hierdie tydperk getref:

1. Eredienste: al die eredienste soos geskeduleer op die Jaarkalender gaan voort en sal deur ds Pieter van der Walt, prof Herrie van Rooy, prof Naas Ferreira en ander besoekende predikante waargeneem word.
2. Pastorale versorging. Ds Pieter van der Walt neem verantwoordelikheid vir die pastorale sorg. Vir tye wat hy moontlik nie beskikbaar is nie, sal die skriba/kerkkantoor pastorale sorg na ander beskikbare predikante verwys. Lidmate moet asb enige pastorale behoefté via hulle groepouderling of die Kerkkantoor onder die kerkraad se aandag bring.
3. Bybelstudies:
 - Die twee-weeklikse Woensdagoggend Bybelstudiegroep sal deur prof Herrie van Rooy waargeneem word.
 - Die twee-weeklikse Woensdagaand Bybelstudie groep sal op hulle eie voortgaan soos onderling gereël is.
 - Die Klipdrift Bybelstudiegroep sal onder leiding van ouderling Koot van der Walt voortgaan.
4. Weekskatkisasie. Die weeklikse Gr 11 klasse gaan voort soos ds Piet met die katkisante en hulle ouers gereël het. Engela van der Walt (Kinderfeesbediening) en Prof Naas Ferreira neem van die klasse waar.
5. Die weeklikse Dinsdagoggend 6:00

Mannegroep aan huis van ds Piet sal vir hierdie tydperk nie bymekaar kom nie (die manne kry in elk geval swaar om vroeg in die winterkoue bymekaar te kom).

HULP MET GROND VIR TERREINOPVULLING

Baie dankie aan Dana Schutte wat vir ons 'n vrag grond geskenk het en Riaan Human wat gereël het dat ons 'n skenking van nog 'n vrag kon ontvang. Ons waardeer dit oopreg.

Gaweveiling – 3 AUGUSTUS

Ongeveer 9 jaar gelede het ons met groot vrug die eerste gaweveiling in die gemeente gehou. Dit was baie groot pret en dis nou weer sulke tyd. Op 3 Augustus gaan ons weer 'n gaweveiling hou. Die doel met die veiling is om fondse vir ons gemeente in te samel asook om gesellig saam te wees.

Die gaweveiling werk as volg:

Elke lidmaat in die gemeente is geseënd met gawes wat God aan ons gegee het. So kan elkeen wat sy weg oopsien, van sy gawes skenk om op die veiling te verkoop. Ons wil dit graag benadruk dat dit nie 'n witolifant of skrootveiling is nie.

As 'n lidmaat byvoorbeeld die gawe ontvang om houtwerk te doen, dan skenk hy/sy 'n handgemaakte hout item wat verkoop kan word. 'n Ander persoon het dalk die gawe ontvang om beskuit te bak en so 'n persoon skenk 5 kg of meer beskuit om te verkoop. As jy so geseënd is om 'n vakansiehuisie by die see/elders te hê, kan jy dalk 'n week of twee skenk om te verkoop. Jy kan ook professionele dienste aanbied wat ons kan verkoop soos wiskundeklasse, opstel van testamente, doen van boeke, ens.

Ons hou dan 'n veilingaand met iets te ete en te drinke en terwyl ons gesellig saam verkeer, veil 'n bekkige afslaer die gawes op. Alles word verkoop sonder reserwe prys.

Kom, broeder en suster, ons gaan kyk 'n bietjie wat se gawes ons het om te verkoop en dan skenk ons wat ons het. Skakel gerus vir Christo van der Walt by 0836446194, Rieëtte Venter by 0828984197 of Adelle by die kerkkantoor as jy iets wil skenk vir die veiling of meer inligting wil hê.

Baie dankie dat ons weer soos in die verlede op u ondersteuning kan staan maak.

Die Gaweveiling span.

VERJAARSDAE

Baie geluk aan almal wat DV hierdie week verjaar!

Maandag, 18 Junie

Sr Liana Venter 082 924 5564

Dinsdag, 19 Junie

Sr Hestie J v Rensburg 072 383 9510
Br Meyer Joubert 083 357 8017
Jsr Anchen Schutte
Br Dana Schutte 082 373 1519
Jbr Bernard Stavast 079 440 1733

Woensdag, 20 Junie

Sr Elna Jordaan 073 705 4554

Donderdag, 21 Junie

Sr Erika Kruger 082 428 7386
Br Anton Styger 078 114 1757
Jbr Christiaan v Zyl

Vrydag, 22 Junie

Br Gerrie v Deventer 083 450 2518
Jsr Elbè v Jaarsveld

WERKSGELEENTHEDE

Die diakonie versoek dat lidmate wat opsoek is na werk, hul CV's na die kerkkantoor stuur. Lidmate wat werk het om aan te bied, word ook gevra om hulle inligting na die kerkkantoor te stuur. Die diakonie sal die inligting dan gebruik om te kyk waar hulle lidmate kan help.

(kerkkantoor@oosdoppers.co.za)

KERKLIKE TYDSKRIFTE

Die kerklike tydskrifte vir Junie is in die kerkkantoor beskikbaar vir lidmate wat daarop ingeteken is. Intekengelde vir die tydskrifte vanaf 1 Julie 2018 tot 30 Junie 2019 is op die kennisgewingbord beskikbaar.

KENNISGEWINGBORD

- Skoolverlaterskamp 8-13 Julie 2018

TOPIA-NUUS

Ons is saam dankbaar teenoor die Here vir verskeie geleenthede waarby Topia betrokke was die afgelope tyd.

In samewerking met MET (Mission Exposure and Training) het ons opleiding aan gemeenskaps- en kerkleiers uit verskeie Afrika-lande aangebied. Johannes het by Gereformeerde Kerk Rooihuiskraal opleiding gedoen oor Nuwe Testamentiese Dissipelskap. Ds Giepie van der Merwe (GK Annlin) en Ds Dreyer Potgieter (GK Meyerspark) het opleiding in die Suide van Malawi gedoen. Thinus Herman (GK Rooihuiskraal) het saam met 36 tweedejaarstudente van BBM (Back to the Bible Missions) deur Romeine gewerk.

Topia was ook betrokke by twee uitreike wat in die komende vakansie gaan geskiet.

Studente van GK Cachet gaan in Namibië wees, en die Gereformeerde Kerke Annlin en Montanapoort het 'n uitreik na Mosambiek. Ons vra vir julle voorbidding vir hierdie twee groepe.

Wil jy meer weet van Topia? Besoek ons webtuiste by www.topia.org.za

CHRISTUS HET OPGESTAAN – IN HOM, DEUR HOM EN VIR HOM!

Johannes, Lizanne, Lourens, Arina en Lizanné Aucamp

BEROEPENUUS BEROEPE AANVAAR

- Ds JL Lee (Jan-Louis) van Pietersburg-Noord na Brits.

BEROEPE BEDANK

- Ds WJ Botha (Kobus) van Bloemfontein-Noord na Durban-Noord.

BEROEPBAAR GESTEL:

- Prop PW (Wouter) Smit deur Klassis Boland.
- Ds JFK (Frikkie) Mulder kragtens art 11 KO deur Klassis Kwazulu-Natal-Suid.

ALGEMENE INLIGTING

• WOW-HERWINNINGSWERELD

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees.

• LIEFDEGAWES VIR BARMHARTIGHEID (DIAKONIE) ZAPPER (Selfoon toepassing)

Hierdie QR simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie



• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan

hier gesien word:

<http://ow.ly/ivfZ309vsdc>. Ds

Piet stuur weekliks sy preke per e-pos uit. Laat weet hulle indien jy dit wil ontvang.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –

082 851 3637

Prof. Herrie v Rooy –
083 700 3933

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Marlene Wiggill en groep 2, Wilma Viviers en groep 11, Christa van der Walt en 21, asook Marie Oosthuizen en groep 31.

Volgende week skink Johanna Venter en groep 3, Elmien Halgryn en groep 12, Corné Geyer en groep 22, asook Annetjie Vermeulen en groep 32 se susters, tee. *Baie dankie julle!*

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooи en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Baie dankie vir julle getroue bydra!***

SUSTERSAMEKOMS

Baie dankie Hestie en die susters van blok A wat vir ons so 'n heerlike kuiergeleenheid aangebied het, wat vir ons ook geestelik kon verryk!



BAIE DANKIE AAN ONS BORG VAN DIE WEEK!

Turkstra
BAKKERY

ONS SPESIALISEER IN DIE VOLGENDE:

- Fyngebak
- Pasteie
- Koekies
- Beskuit
- Terte
- Kruie
- Speserye
- Bakbestanddelle
- S.A. Droëvrugte
- Verpakningsmateriaal

"Ons bak met passie"

Gouwsstraat 7 Potchefstroom
Tel : (018) 294 4271

OOSDOPPERTJIES

Jes. 43:1b "Ek het jou op jou naam geroep, jy is myne."

MOENIE OPHOU NIE

Jes 40:31 "... maar dié wat op die Here vertrou, kry nuwe krag. Hulle vlieg met arendsvlerke, hulle hardloop en word nie moeg nie, hulle loop en raak nie afgemat nie."

By die Olimpiese Spele is daar atlete wat vinnig hardloop oor 'n kort afstand en ander atlete wat stadiger hardloop, maar hulle hardloop 'n lang afstand. Die langafstandatlete het uithouvermoë. Uithouvermoë beteken dat jy vir 'n lang tyd kan aanhou en dan nog aangaan wanneer ander ophou.

Wanneer dit by aanbidding van God kom, moet jy soos hierdie atlete wees. Moenie ophou nie. As dinge moeilik raak, moet jy nie ophou om God te aanbid nie. Wanneer dinge voor die wind gaan, moenie ophou nie. Wanneer jy hartseer, gelukkig, ontsteld of verwارد is, moenie ophou nie. Jy sal waarskynlik baie dinge in jou lewe moet deurgaan, maar deur dit alles moet jy nie ophou om God te aanbid nie.



Jesus, help my om die uithouvermoë van 'n langafstandatleet te hê - om aan te hou om u te aanbid, wat ook al gebeur!